

Cungj Dwg Gangjgyaj Haih Gou

都是撒谎害了我

Cingzci ndwengauj fat roengz-daeuj lo, gou baez yawj, suyoj cij gauj ndaej 76 faen. Dai lo! Danghnaeuz daxmeh rox le, itdingh deng de ndaq lo. Siengj bae siengj dauq, gou doeklaeng siengj ok aen banhfa he: Hawj cejngeih ranznden bang gou ciemcih.

Ngoenzhaenx gwn haeuxcaeuz le, gou doiq daxmeh naeuz bae ranz cejngeih ciq bonj saw he, daxmeh doengzeiq lo. Raen cejngeih le, gou ganjgip naeuz: "Meh gou nyaengq lai, heuh mwngz bang gou youq gwnz sigenj sij yigen gyahcangj." Cejngeih siengj cungj mbouj siengj couh dapwngq lo. Naeuz: "Meh mwngz

baenzlawz sij ha?" "Docih lauxsae, muengh lauxsae yiemz iugouz boux hagseng neix." Daxmeh gaxgonq ciem gij yigen haenx cungj dwg yienghneix, gou caeux couh boih sug lo. Cejngeih riengjret ciem ndei yiyen, gou angqvauvau baema lo. Doeklaeng lauxsae hix yawj mbouj ok gyaj ciemcih.

Gvaq mbouj geij nanz, lauxsae aeu gij daez ceiqaenh gauj yungzheih guh loek haenx, youh cingjeix baenz mbaw sigenj he gauj baez he. Aenvih baenzgonq gou muenz gvaqbae, mbouj nyinhcaen gaij daez loek ndaw sigenj, cingzci baenzneix beij baenzgonq lij ca. Baenzneix, lauxsae cigciep dwk

dienhvah hawj daxmeh, heuh daxmeh daeuj hagdangz dangnaj gangj. Youq ndaw gangjavah, daxmeh rox gij cingzgvang ceiqaenh gaujsi caeuq hagsib gou, swhyienz hix raen mbaw sigenj baenzgonq cejngeih bang gou ciemcih haenx lo.

Ma daengz ranz, daxmeh fak aen caekhangx gou geij mbat, itmienh fak itmienh sim' in naeuz: "Mwngz boux lwgnyez neix, baenzlawz di ndeu cungj mbouj roxsah, mbouj ndeindei hagsib, lij gangjgyaj yaeuh vunz. Dou baenz ngoenz nyaengq bae nyaengq dauq yungzheih ha? Mbouj couhdwg muengh mwngz ndeindei doegsaw, daengzcog ndaej gag ciengx ndaej



swheij....."

Yawj gij yiengh daxmeh siengsim neix, lumh aen caekhangx inmanh gou, gou caen ienqhoij ha. Cungj dwg gangjgyaj haih gou, gou baezlaeng caiq hix mbouj gangjgyaj lo!

(sam nienzgaep Dingh Hau)



Gingjsaek Seizcou Sawj Vunz Maez

迷人的秋景

Dahsau gyaundeiz seizzah riuj geuvunj raez vava loegloeg de bieq bae lo, dahsau seizcou gaenxyaek haenx byaij yamqdin mbaumbeng yaeng' yaeng daeuj-daengz lajbiengz.

Dahsau seizcou daeujdaengz ndaw suenmak: Baenz aen baenz aen makbingzgoj loh'ok najriu nding' yanyan de, lumj bauq siusik ndei baenzcug hawj vunz nyi; makleiz lumj baenz aen baenz aen daengloengz henj nei, aeu suenmak ciuq ndaej henjrwgrwg.

Dahsau seizcou daeujdaengz suenva: Vagut bi aenndang reuxred de, riengz rumz iq diuqfoux; va-ngaex gaenq loenq lo, cij lw mbawngaex rozhenj youq ndaw daemzngaex.

Dahsau seizcou daeujdaengz ndoengfaex: Mbawfaex goyinzging lumj gim nei loenq youq gwnz dieg, vih daihdeih bu hwnj caengz danjhenj nanwtntw he; mbawraeu lumj deng mwi dwk gvaq haenx, yienhndaej engqgya nding lo.

Youq ndaw gingjsaek gyaeu-ndei seizcou youzbyaij, ngonz-yawj, baenzlawz mbouj sawj vunz simsangj simsoeng ne? Ha, gingjsaek seizcou hawj vunz maez neix, gou gyaex mwngz!

(sam nienzgaep Vuz Youh)

Gij Rongh Daengyouz Ciuqgaeuq Ronghgywd

油灯的光芒依旧

Boux hagseng he aenvih lau mazfanz lauxsae, ndigah miz vwndiz cungj dwg mbouj gamj cam lauxsae, boux lauxsae neix gig saeqsim, ginggvaq seizgan nanz caeuq doengzhag doxyouq, lauxsae doeklaeng fatyienh cungj cingzgvang neix lo, lauxsae couh cam boux hagseng neix vihmaz yienghneix. Hagseng naeuz: "Lauxsae, gig doiq mbouj hwnj. Gij dapanq mwngz lwnh gou haenx gou youh lumz lo. Gou gig siengj caiq cam mwngz, hoeng siengj daengz gou gaenq mazfanz mwngz haujai baez, couh mbouj gamj caiq bae gauxca mwngz lo!" Lauxsae siengsiengj le doiq de naeuz: "Mwngz bae diemj aen daengyouz he gonq." Hagseng ciuq vah lauxsae bae guh lo. Lauxsae ciepdwk youh naeuz: "Caiq bae lai aeu geij aen daengyouz daeuj, yungh aen daengyouz daih'it bae diemj dawz geij aen daeng neix." Hagseng hix ciuq guh lo. Seizneix lauxsae riu dwk doiq de naeuz: "Gij daengyouz wnq cungj dwg yungh aen daengyouz daih'it daeuj diemj dawz, hoeng

gij rongh aen daengyouz daih'it lai myox lwi?" Hagseng han naeuz: "Mbouj myox ha!" Lauxsae youh doiq de naeuz: "Caeuq sou faenyienj gij cihsiz gou miz haenx, gou mboujdanh mbouj noix bae, dauqfanj ndaejdaengz haujai angqyangz caeuq muenxcuk. Ndigah, mwh mwngz miz maz mbouj rox, angqcoux mwngz daeuj cam gou.

Gij cihsiz boux vunz he dwg mizhanh, hoeng ginggvaq haujai vunz seizgan nanz doxson doxlwnh, gij cihsiz raeuz couh demlai, ndigah, danghnaeuz bungz daengz gijmaz vwndiz mwngz mbouj rox, couh bae cam bouxwnq. Cam vunz heuh vunz son hix dwg cungj yozvwn he, seizlawz cungj ndaej bae cam vunz heuh vunz son, ndaej bae ndaw saw cam, hix ndaej bae cam doengzhag, lauxsae caeuq gyahcangj. Mbouj cam couh mbouj miz cinbu, couh mbouj ndaej hag daengz engq lai cihsiz.

Saeh Mizyinx Seiziq

童年趣事



覃蔚峰 摄

Saedcej seiziq mizyinx dangqmaz, aenvih lwgnyez mbouj rox maz lau, doiq haujai saeh gig geizheih, guh le mbouj noix saehhuk, hix guh le mbouj noix saeh ndeiri.

Geiq ndaej seizzah mwh ndaej roek bi haenx, daxmeh heuh gou bae cawx gyu, gou bae daengz aen bouqgaehuq he, cawx bau gyu he couh buet ma ranz, lumz aeu cienz cau lo. Youq gwnz loh, gou youh siengj: Gyu dwg gijmaz feih ne? Yienghneix gou sik hai bau gyu aen bak iq he, aeu di gyu he cuengq haeuj bak bae, "beibeibe, ndaengq lai lo". Fwngz gou baez soeng, bau gyu doek roengz dieg bae lo, gyu deng saj okdaeuj daengx dieg cungj dwg, gou gop hwnjdaeu, ganjgip bae henz suisiz lumj dauzhaeux nei dauzgyu, dauz dwk dauz dwk, gyu cungj mbouj raen lo. Ma daengz ranz deng daxmeh ndaq can he. Seizneix siengj hwnjdaeu, mwhde swheij caen huk ha!

Gou miz di manz, gyaex cingj vunz. Mwh caet bi bi haenx seizcin, gou caeuq gyoengqdoih youq gwnz bo vat aen gumz he guh hongx, cijaeu yaengyaeng caij hwnjbae, couh deng loemq roengzbae. Gou gag siengj itdingh miz vunz deng loemq roengzbae lo. Ngoenz daihngieih, dou daeujdaengz gwnz bo, swheij mbouj siusim gag loemq roengz aen hongx bonjfaenh cang haenx bae lo. Mbouj cingj deng bouxwnq, dauqfanj haih swheij lo.

Saeh seiziq gig mizyinx, cungj sawj gou seizseiz siengj hwnj.

(ngeih nienzgaep Vangz Ginjyiz)